



МОНГОЛ УЛС
САНХҮҮГИЙН ЗОХИЦУУЛАХ ХОРООНЫ
ТОГТООЛ

2014 оны 06 сарын 25 өдөр

Дугаар 240

Улаанбаатар хот

┌ Хорооны 2008 оны 61 дүгээр тогтоолоор ┐
батлагдсан журамд нэмэлт оруулах тухай

Санхүүгийн зохицуулах хорооны эрх зүйн байдлын тухай хуулийн 6.1.2, 6.2.3, Даатгалын тухай хуулийн 13.1.3 дахь заалтыг тус тус үндэслэн Санхүүгийн зохицуулах хорооноос ТОГТООХ нь:

1. Санхүүгийн зохицуулах хорооны 2008 оны 3 дугаар сарын 28-ны өдрийн 61 дүгээр тогтоолоор батлагдсан “Ердийн даатгал, давхар даатгалын болон даатгалын мэргэжлийн оролцогчийн үйл ажиллагаа эрхлэх тусгай зөвшөөрлийн журам”-д дор дурдсан агуулгатай 2.38¹, 2.38¹.1, 2.38¹.2, 2.38¹.3, 2.38¹.4, 2.38¹.5, 2.38², 2.38².1, 2.38².2, 2.38².3, 2.38².4, 2.38².5, 2.38².6, 2.38².7, 2.38².8, 2.30¹ дахь хэсгийг тус тус нэмсүгэй:

1/ 2.38¹, 2.38¹.1, 2.38¹.2, 2.38¹.3, 2.38¹.4, 2.38¹.5, 2.38², 2.38².1, 2.38².2, 2.38².3, 2.38².4, 2.38².5, 2.38².6, 2.38².7, 2.38².8, 2.30¹ дахь хэсэг:

“2.38¹. Санхүүгийн зохицуулах хорооноос хадгаламж, зээлийн үйл ажиллагаа эрхлэх тусгай зөвшөөрөл авсан хуулийн этгээд нь даатгалын төлөөлөгчийн үйл ажиллагаа эрхэлж болох бөгөөд дараах шаардлагыг хангасан байна:

2.38¹.1. Даатгалын төлөөлөгчийн үйл ажиллагаа эрхлэх хадгаламж, зээлийн хоршоо нь тус хоршооны гишүүдээс бусад этгээдэд даатгалын гэрээ борлуулахгүй байх;

2.38¹.2. Хадгаламж, зээлийн хоршооны тухай хуулийн 9 дүгээр зүйлд заасан хоршооны дүрмийн эрхлэх үйл ажиллагааны төрөлд даатгалын төлөөлөгчийн тусгай зөвшөөрлийн үйл ажиллагаа эрхлэх зохицуулалтыг тусгасан байх;

2.38¹.3. Даатгагчтай хамтран ажиллах гэрээтэй байх; /Хамтран ажиллах гэрээнд хадгаламж, зээлийн хоршоо нь даатгалын хураамжийн орлогыг даатгагчид ямар хугацааны дотор хэрхэн шилжүүлэх талаар тодорхой тусгасан байх/

2.38¹.4. Хадгаламж, зээлийн хоршоо нь даатгагчаас олгосон даатгалын төлөөлөгчөөр ажиллах зөвшөөрөлтэй байх;

2.38¹.5. Хоршоог төлөөлж даатгалын гэрээ борлуулах хоршооны гүйцэтгэх захирал болон гүйцэтгэх удирдлагын орон тооны албан тушаалтан нь даатгалын сургалтад хамрагдаж, даатгалын төлөөлөгчийн шалгалтад тэнцсэн байх.

000248

2.38². Даатгалын төлөөлөгчийн тусгай зөвшөөрлийн үйл ажиллагаа эрхлэхийг хүссэн хадгаламж, зээлийн хоршоо нь дараах баримт бичгийг Хороонд ирүүлнэ:

2.38².1. Энэ журмын 10 дугаар хавсралтын дагуу гаргасан хүсэлт;

2.38².2. Даатгалын төлөөлөгчийн үйл ажиллагаа эрхлэх тухай шийдвэрлэсэн хоршооны тэргүүлэгчдийн хурлын шийдвэр;

2.38².3. Санхүүгийн зохицуулах хорооноос олгосон хадгаламж, зээлийн үйл ажиллагаа эрхлэх тусгай зөвшөөрлийн гэрчилгээний хуулбар;

2.38².4. Хамтран ажиллахыг зөвшөөрсөн даатгагчийн албан бичиг;

2.38².5. Даатгагчтай хамтран ажиллах гэрээний төсөл;

2.38².6. Даатгалын төлөөлөгчийн үйл ажиллагаа эрхлэх зохицуулалтыг тусгасан дүрмийн төсөл;

2.38².7. Даатгалын төлөөлөгчийн үйл ажиллагааг эрхлэхтэй холбогдсон журмын төсөл;

2.38².8. Тухайн хоршооны талаарх танилцуулга.

2.30¹. Орон нутагт салбараар дамжуулан даатгалын зуучлалын үйл ажиллагаа эрхэлж буй даатгалын зуучлагч нь тухайн орон нутагт Хорооноос салбар нээх зөвшөөрөл аваагүй даатгагчтай хамтран ажиллахыг хориглоно.”

2. Нэмэлтийг журамд оруулж, хэрэгжилтэд хяналт тавьж, олон нийтэд мэдээлэхийг Ажлын алба /Х.Бум-Эрдэнэ/-нд даалгасугай.

ДАРГА



Д.БАЯРСАЙХАН